
PWYLLGOR PENSIYNAU, 17.06.14

Yn bresennol: Y Cynghorwyr: Stephen Churchman, Trevor Edwards, Hywel E Jones (Cynrychiolydd Cyngor Sir Ynys Môn), Dafydd Meurig, W Tudor Owen, John P. Roberts a Peter Read

Swyddogion:- Dafydd Edwards (Pennaeth Cyllid), Caroline Roberts (Rheolwr Buddsoddi) Gareth Jones (Rheolwr Pensiynau) a Lowri Haf Evans (Swyddog Cefnogi Aelodau a Chraffu).

Ymddiheuriadau: Peredur Jenkins, Margaret Lyon (Cynrychiolydd Cyngor Bwrdeistref Sirol Conwy),

1. ETHOL CADEIRYDD 2014/2015

Penderfynwyd ethol y Cynghorydd Tudor Owen yn gadeirydd y pwyllgor am 2014/15

2. ETHOL IS-GADEIRYDD 2014/15

Penderfynwyd ethol y Cynghorydd Stephen Churchman yn is-gadeirydd y pwyllgor am 2014/15

3. CROESO AC YMDDIHEURIADAU

Croesawyd pawb i'r cyfarfod gan y Cadeirydd Tudor Owen. Nodir yr ymddiheuriadau uchod.

4. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

5. MATERION BRYS

Dim i'w nodi

6. COFNODION

Llofnododd y Cadeirydd gofnodion cyfarfod o'r pwyllgor hwn a gynhaliwyd ar 17eg o Fawrth 2014 fel rhai cywir.

7. YMGYNGHORIAD LLYWODRAETH SAN STEFFAN (DCLG) AR Y CYFLEON AM GYDWEITHIO, ARBEDION COST AC EFFEITHLONDEB YN Y CPLIL (LGPS)

Cyflwynwyd adroddiad y Rheolwr Buddsoddiad yn ymhelaethu ar gyhoeddiad yr Adran Cymunedau a Llywodraeth Lleol i ymgynghori ar gyfleoedd, arbedion costau ac effeithlonrwydd ar gyfer y CPLIL yng Nghymru a Lloegr. Cred y Llywodraeth bod posib cyflawni arbedion sylweddol drwy ddiwygio'r CPLIL. Anelwyd yr ymgynghoriad at bob parti sydd â diddordeb yn y CPLIL gan osod 11 Gorffennaf 2014 fel y dyddiad olaf i gyflwyno ymateb.

Amlinellwyd bod y ddogfen ymgynghori yn cynnwys cynigion a bod cwestiynau penodol yn cael eu gofyn i gasglu barn. Yn dilyn gwaith rhwng yr wyth cronfa bensiwn yng Nghymru nodwyd y byddai ymateb ar y cyd yn cael ei gynnig yn seiliedig ar ganlyniadau'r prosiect cydweithio. Yn ogystal, bydd Cyngor Gwynedd, fel awdurdod gweinyddu yn ymateb hefyd a gofynnwyd i'r Pwyllgor ystyried unrhyw farn neu faterion y dymument eu cynnwys.

Trafodwyd y cynigion mewn manylder.

Prif sylwadau o'r drafodaeth;

Sylwadau cyffredinol

- Derbyn yr angen i foderneiddio'r drefn
- Cydnabod yr angen i gyflawni arbedion
- Derbyn yr egwyddor o lunio un corf llywodraethu, ond 89 corff yn rhy fawr.
- Mynegwyd pryder na fydd modd dylanwadu - llais lleol yn cael ei golli
- Maint cronfa Cymru yn dderbyniol.

Cyfyngau Buddsoddi

- Faint o gyfyngau buddsoddi fydd eu hangen? Angen mwy o wybodaeth
- Manteisiol cael dewis e.e., buddsoddi cronfeydd lleol
- Angen mwy o hyblygrwydd

Rheolaeth cronfa

- Prif egwyddor yw cael enillion gwell am lai o gost
- Derbyn yr angen am strwythur mwy effeithiol
- A fydd yr arbediad yn lleol neu ganolog?
- Cefnogi opsiwn 'y gofyn i reoli asedau rhestredig yn oddefol ar sail 'cydymffurfiwch neu eglurwch'.

Diolchwyd i bawb am eu cyfraniad i'r drafodaeth.

PENDERFYNWYD

Dirprwyo'r hawl i'r swyddogion lunio ymateb drafft i'r ymgynghoriad. Y swyddogion i rannu'r ymateb drafft gyda Chadeirydd y Pwyllgor i gadarnhau bod yr ymateb yn cydymffurfio â sylwadau'r Pwyllgor.

8. POLISI AR LEIHOU BUDDION PENSIWN

Cyflwynwyd adroddiad gan y Rheolwr Pensiynau yn datgan yr angen i adolygu polisi'r Gronfa, sydd mewn lle ers 1998, ar leihau neu ohirio pensiwn ar ôl ail-gyflogaeth i fod yn gyson a darpariaethau 'ymddeol hyblyg'. Nodwyd bod yr angen wedi codi i newid Polisi Lleihau'r Gronfa yng nghyd-destun y diwygiad ym mholisi'r Llywodraeth a Rheoliadau yn enwedig gan nad yw CPLIL 2014 bellach yn caniatáu lleihad ar bensiwn sydd wedi cronni ar ôl 31.3.2014.

Argymhellwyd i'r Pwyllgor Pensiynau gymeradwyo newid y polisi. Yn gyffredinol, bydd aelodau a ail-gyflogir yn derbyn eu buddion heb effaith lleihad ac ond i eithrio ymddeoliadau salwch rhenciau un a dau a'r rhai salwch cyn 2008 h.y. lleihau'r rhannau hynny o'r pensiynau a ganiateir (croniad cyn 2014 yn unig) ar ail gyflogaeth os yw'r cyflog newydd plws y pensiwn yn fwy na'r cyflog cyn eu hymddeoliad salwch.

PENDERFYNWYD

Caniatáu'r hawl i newid y polisi er mwyn i aelodau sydd wedi eu hail gyflogi dderbyn buddion pensiwn llawn ond eithrio ymddeoliadau salwch rhenciau un a dau, ac ymddeoliadau salwch cyn Ebrill 2008 fel eu bod yn parhau yn destun prawf ailgyflogaeth a lleihad pe bae hynny'r deilwng a chyfreithiol

9. CAU ALLAN Y WASG AR CYHOEDD

Penderfynwyd cau'r wasg a'r cyhoedd allan o'r cyfarfod yn ystod y drafodaeth ar yr eitem ganlynol gan ei fod yn debygol y datgelir gwybodaeth eithriedig fel y'i diffinnir ym mharagraff 14, Rhan 4, Atodiad 12A, Deddf Llywodraeth Leol 1972. Mae'r adroddiad yn ymwneud â materion ariannol y Gronfa Bensiwn ac un o'r cwmnïau y mae'n buddsoddi ynddo. Gallai datgelu'r wybodaeth ar hyn o bryd effeithio ar allu'r cwmni i gystadlu ac nid oes unrhyw fudd cyhoeddus mewn datgelu yn gorbwysu hawl y cwmni i gadw ei faterion ariannol yn gyfrinachol.

10. BUDDSODDIAD EIDDO

Cyflwynwyd adroddiad y Rheolwr Buddsoddi.

PENDERFYNWYD

Cymeradwyo argymhellion y Rheolwr Buddsoddi

Dechreuodd y cyfarfod am 2:00pm a daeth i ben am 3:00pm